

松壽堂詩鈔卷六

貴陽陳夔龍筱石

征鴻集

起丁未九月
迄戊申三月

九月十一日卸蘇撫任越二日由蘇買舟赴浙臨
行作示亭秋

作客姑蘇一載餘錦衣鄉樹渺愁余今朝單舸之江路
載得梅花帶月鋤

寒山楓冷締詩盟臨去殊難遣此情我是將歸未歸客
愁眠夜半聽鐘聲

漫山濕翠雜晴嵐秋水空明影半潭淮浦梁園會賦別

不堪作賦是江南

未曾綠野翦蒿萊
卻喜黃雲四望開
且晚颿輪三百里
右台應訝鶴歸來

吳篷夜話與亭秋聯句

十里旌旗寶帶橋
筱石一行雁字入雲霄
扁舟載月波

光膩亭秋短燭催詩漏
點遙紅葉滿林秋
易老筱石綠

楊夾岸影全凋
明朝共訪西泠鶴
亭秋戴笠看山問野

樵筱石

衣帶中流一葦杭
亭秋篷窗檢韻鬪吟腸
青青客舍浥

朝雨筱石落落漁罾挂
夕陽幾處炊煙留
畫稿亭秋一

帆風信送歸裝難忘謝女庭前詠筱石惆悵秋來穫稻

忙亭秋秋來穫稻忙乃紋女舊句

一色空濛欲弄晴筱石角聲鳴處啟行旌不堪卧轍攀

轅意亭秋孤負紅男綠女情十畝雲黃秋稼熟筱石三

篙水漲晚潮生更思今夜蕉亭景亭秋誰倚闌干望月

明筱石

暫脫朝衫換綠蓑亭秋西湖且聽采菱歌新栽梅竹都

成蔭筱石舊夢鶯花許再遇上界鐘聲聞遠寺亭秋南

高塔影入清波未能拋得杭州去筱石好景重將白句

哦亭秋

自題五十一歲影像

飽諳蒼狗浮雲味曾換紅羊浩劫身對爾自憐還自笑
短衣何日倦風塵

湖上聯句

暫撇塵囂訪舊亭亭秋湖心垂柳漸零星筱石四圍山

色濃於染亭秋一片波光翠欲停筱石夕照寺前漁火

暗亭秋杏花村裏酒帘青筱石扁舟樓外樓邊艤亭秋

吸盡煙嵐未解醒筱石

小作平原十日留筱石忽忽今又發杭州亭秋浮生總

被虛名誤筱石臨別翻增去後愁亭秋舊夢山中談射

虎筱石閒情江上欲盟鷗亭秋行經細雨斜風裏筱石

華髮蕭疏易感秋亭秋

輭紅重踏日南坊亭秋更掃松楸返故鄉筱石鳳闕鐘

聲侵曉露亭秋鼉磯蓑影帶斜陽筱石遙知客館挑燈

寂亭秋苦累山妻寄柬忙筱石襟上酒痕儻追憶亭秋

六橋煙月入詩囊筱石

小艇衝波人兩三筱石白雲深處一茅菴亭秋昨朝踏

遍韜光徑筱石今日重游印月潭亭秋面面青山環郭

外筱石村村黃葉似江南亭秋何當再領西泠勝筱石

早晚佳音報錦函亭秋

西湖聯句

載酒看山色

亭秋

句留爲此湖

筱石

風平秋浪靜

亭秋

心遠白雲俱

筱石

紅徧林間葉

亭秋

青搖水面蒲

筱石

蕤蕤鞭筍美

亭秋

何羨四腮鱸

筱石

落日孤帆遠

筱石

平湖秋景長

亭秋

行旌方待發

筱石

游騎忽飛揚

亭秋

倒影三潭月

筱石

驚寒一夜霜

亭秋

竹深欲留客

筱石

臨別問歸裝

亭秋

一帶垂虹影

亭秋

蘇隄間白隄

筱石

疏砧聞野渡

亭秋

荒塚惜香泥

筱石

著屐來今雨

亭秋

捫碑訪舊題

筱石

未堪回首處

亭秋

鶴子與梅妻

筱石

助我吟秋興

筱石

長空天氣清

亭秋

雁橫雲樹遠

筱石

魚躍浪花輕

亭秋

野菊經霜瘦

筱石

芙蓉照水明

亭秋

柳絲難縮客

筱石

攀折總關情

亭秋

隔岸紅牆立

亭秋

南巡舊有宮

筱石

半肩樵擔月

亭秋

一角酒旂風

筱石

僧舍談餘劫

亭秋

漁舟恨轉蓬

筱石

岳于雙少保

亭秋

憑弔聖湖中

筱石

湖上雜詠示亭秋

蕭疏籬落淡煙痕
卅里西湖郭外村
贏得紅閨遊興健

扁舟催發湧金門

一彎新月印三潭
道是彭公退省菴
千古傷心人幾箇

梅花清夢渺湘南

綺歲談經到白頭儒林公自有千秋湖光一片雷峯影

倒映先生講舍樓

俞樓謁曲園先生畫像

湖心亭是廣寒宮桐野詩才比例工今日殘煙疏雨路

壁間難訪碧紗籠

黔人周漁璜宮詹詠西湖詩若把西湖比明月湖心亭是廣寒宮

平湖秋月好浮槎小泊朱樓近酒家翠裊殷勤邀盡醉

此行何必葬天涯

老樹南枝盡入雲小朝廷事不堪聞春秋天竺燒香女

柏聳先澆少保墳

秋色平蕪輦路長

行宮遙指舊紅牆靈光尙剩文瀾

閣留與漁樵話夕陽

淡抹濃妝若有無湖莊風景四時殊高劉唐宋渾多事

刻畫西施膽太麤

近日高劉唐宋等莊營造極工殊失西湖本來面目

來向花神廟裏遊風風雨雨幾經秋拋將兒女臨歧淚
又款叢祠拜左侯

雲影波光一色齊落霞紅到斷橋西
申流單舸殊容與
搖過蘇隄又白隄

滌盡塵襟萬感清佛龕燈火淨慈明
一鐘撞罷南屏晚
疑是寒山半夜聲

欠買孤山土一坯梅花都向右台栽
湖中風月原無主

特與山妻訪鶴來

夜過嘉興

小樓紅認酒家燈
越女聲聲喚買菱
落葉打窗無箇事
夢中伸腳過吳興

黃浦舟中遣興用張抱冰韻

昨歲沈災慟析骸
今年稻熟喜蝗埋
偶隨越蠡扁舟去
重遇吳蒙倦眼揩
心本無他邀帝鑒
人惟求舊與時乖
長安第宅王侯貴
官觀祈充提舉差

入 覲恭祝 慈壽紀 恩八首

瑤池西望靄雲駢
堯母門開瑞叶蓂
萬壽嵩呼宣

寶厯 龍飛七秩有三齡

儀鸞宮殿映朝暎 慈孝天家笑語溫
賀表書成雲五色 至尊捧出寶光門

綵衣戲舞晉霞觴 左右鴛班列兩行
一曲霓裳新破就 內人傳喚賜茶湯

纔啖紅綾禮數殊 調羹 恩又拜天廚
衢歌封祝光華 且歡語今朝是大酺

煙波一舸任游行 三海風光畫不成
爲報來年豐已兆 雪花飛上 御簾旌

長生殿本最傷神 凝碧池邊百戲陳
南府舊人誰尙在

不堪回首說庚辛

是日演長生殿傳奇

湛恩承露玉盤中附鳳攀龍一德同五十五人爭拜賜

朝儀仍肅未央宮

是日入座聽戲者計五十五人

銜命西川叱馭來外臣今許近蓬萊鈞天廣樂聽都

徧又策驂騶道路開

陶然亭題壁

不到城南路怱怱又十年鬢斑僧訝客霜重葦黏天鵝

血憐荒塚鶯花感舊筵江家亭尙在凭眺一陶然

游陶然亭與楊逸真嚴晴初劉漱芸聯句

籃輿乘醉上江亭

筱石

劫外煙蘿戶未扃

晴初

寒葦漸

從秋後老

逸真

落梅曾憶笛中聽

激雲

凝眸

北闕騰

光紫

逸真

迎面西山向客青

筱石

今日追陪尋舊蹟

晴

初不堪回首是浮萍

激雲

答江叔海參事

昨歲吳門曾握手荆高市上又逢君
談經費舍后言熄
萬燭蕭齋靜夜分壯志猶堪行萬里
此才何止掃千軍
憐余豪氣消除盡難副江郎五色文

何潤夫同年招飲卽席賦呈主人並示座中于晦
若侍郎顧漁溪許稚筠兩京卿仍疊前韻

日下重來訪舊聞烏臺霜冷最憐君
閒經燕市塵千劫

不羨揚州月二分尊俎歡迎新使節

晦若奉命赴歐
洲考察政治即日

出都羽林猶識故將軍

漁溪舊值樞垣
稚筠曾官戎部

獨攜書劍天涯去

留別詩成愧不文

正陽門外乘火車南下適接家書卻寄

一紙家書附鯉來山妻親手聖湖裁極知臘酒殷勤意
可奈郵程次第催先隴忍教荒宿草綺窗應早發寒梅
春來又作江南客對鏡看花笑口開

遊漢上琴臺

平臺據全楚乘暇一登臨落落兩人迹遙遙千載心我
歸仍是客何處寄知音領得無絃趣更張不在琴

荆沙舟中成紀 恩詩四首

瞳矐羲馭上罌恩蕃錫承 恩晝接時六轡羣驚馳葦

道一官權當領驃騎章臺走馬歸塵劫漢上尋驢廬夢

思今日揚鞭 雙闕下據鞍未改少年姿

紫禁城騎馬

內苑騰驤駿足超 湛恩殊錫出 東朝花間露浥拳

毛重柳外風和顧盼驕珂佩班隨雕輦鳳鞭絲影拂紫

衣貂誰知後夜關山夢祇在金螯玉竦橋

西苑門騎馬

外臺恩誼媿中樞 金殿傳宣禮遇殊拾級舊曾班玉

筍免冠今許上青蒲 兩宮溫簡虛前席十載寒氈著

腐儒合寫下民昏墊意幽風無逸補呈圖

賜墊

曳履聲微劍佩和還從三海沐 恩波不堪利濟慚舟
楫大好生涯辦笠蓑近水船如天上坐臨流人在鏡中

過回思聯步分曹日風雪河干醒夢婆

賞坐
船隻

荆沙篇呈少石大兄用東坡韻

還家七千里到此甫及半長塗值歲暮倚裝發三歎此
行爲先隴未暇恣游玩廿年去鄉井彈指煙雲散一琴
一劍外鶴雛堪作伴荆州四爭地刁斗嚴城且君才恢
有餘官書鮮堆案回溯庚年閏漢皋弭鉅亂時平樂尊
俎事棘忘櫛盥境殊治亦異不道儒術緩高位我忝竊
亦頗恥魚貫相期聖之清聞風起頑懦傳說六州鐵錯

鑄一鑑炭言歸計非左惜別亭秋館聯牀風雨夕陡覺
寒谷暖追話兒時事大笑舌花粲

寄亭秋主人仍用東坡韻

百歲幾春秋忽忽已過半鋒車抗塵俗攬轡發長歎連
山若奔馬到眼不堪玩送迎辱冠蓋偶聚旋復散所思
在何處孤嶼梅花伴回溯結襦初戊年九月且理妝晨
對鏡治牘夜堆案京兆甫舒眉適邁紅燈亂掌鑰我留
守焚香君薦盥大局倉皇定陌頭歸綏綏有女顏如花
掌上明珠貫一朝先我逝情難慰衰懦譬如塊壘胸復
雜冰與炭銜 命入西蜀漢皋止賓館遙知右台路衝

雪不暇暖寸心千里同何日三星粲

龍山寺晚眺

不見參軍落帽狂未應詩酒續重陽
龍山風月原無主留與殘僧話海桑

大兄以宋牧仲尙書滄浪話別圖畫卷贈別此卷
前在大梁曾經寓目延津重合足壯行色矣爰次
牧仲卷中詩韻誌謝並述別懷

滄浪一爲別回首暮雲多把卷重相見斯亭許再過新

愁寄秋柳舊句冷春蘿

人日遊滄浪亭有瀟
纓亭上冷春蘿之句

各訝朱顏

改還看醉後醜

西州搗馬策漢上感人琴梅早先馳信菊殘不滿簷雪
從泥爪印詩向渡頭吟此地同坡穎還山有向禽

荆南話別用激芸激園雅集韻

裘馬還家仍是客喜看羣從接瑤席忽忽十日未盡歡
聯牀陡覺姜被窄示我圖畫山清祕激園高會樂無二
一時佳話徧荆南爭道潁川好昆季獨揩倦眼重摩挲
酒酣耳熱發長歌爲憐阿弟苦行役亂山雪後冷青螺
郎署浮沈幾甲子仲華先生能相士亦賴孟公千黃金
助我添修鳳樓起紅巾劫火話庚年三輔塵兵十國聯
亂定羣雄方納款時來凡馬亦騰騫君才况是文章伯

綺歲金門曾射策三楚風雲付指揮卅年泥雪感今昔
羈旅東西又一方欲行不行心激昂遙知明日關山路
難遣今宵燈燭光梁園賓客懷舊醺謝家兒女傾時彥
朱顏兄弟各白頭萬事驚心掣飛電何論萍蹤有聚散
一卷滄浪供染翰承贈宋牧仲滄浪話別圖畫卷瀧岡表墓愧歐陽余將
回駘掃墓南樓思歸賦王粲

荆州雜詠

偶作平原十日留扁舟催送楚江頭愚樓茶話澂園讌

都向詩囊畫卷收

愚樓澂園均在荆宜道署

路人爭道客還家誰料家山路尙賒夜雨挑燈留後約

短衣明日又天涯

牛李恩仇有愛憎
救時誰得似江陵
斜陽走馬張祠路
怕遇先生問廢興

十里菱防唱大隄
郡城還比大隄低
江潭搖落春楊柳
不見飛花逐馬蹏

鞞旆一片按伊涼
渝舞巴歌總斷腸
難得風流賢太守
更翻新破鬪新妝

北門鎖鑰寄軍符
豐沛風雲氣象殊
紅燭當筵談舊事
不堪豆粥進萋蕪

旌旗一色鏡中嵌
前舸歡呼後舸銜
忽憶沙千墮渡馬

廿年雪夜冷青衫

絮才寂寞謝庭階
元尙隨行意亦佳
除卻中年絲竹感
滿山紅葉助吟懷

豪興吾家有孟公
座中不放酒杯空
今宵斷杵疏燈夢
醒醉都難與昨同

高會龍山蹟已陳
樓題信美墨猶新
須知江漢思歸客
曾是疏狂落帽人

孱陵道中懷吳將呂子明

昨持吳下節故家訪遺俗
今過孱陵路英風緬高躅
白衣亦何勇銷盡漢赤伏
春秋責備義功多罪難贖
渡江

一聲櫓荊州已在握不待連營火形勢失西蜀固緣漢
德衰亦豈江東福君但規一面未足語全局典午此先
兆三分折鼎足後來竟臣魏希寵實蒙辱孫劉儻結歡
禪皓永天祿何計不出此襲師殊失術聞君喜讀書脣
齒義宜熟燒兵愧周郎論交負魯蕭祇今虎渡口江水
嗚咽綠我言匪苛論知君必採錄躍馬過侯封不敢刮
雙目請觀壽亭侯俎豆千秋續如何使君祠寒泉不可
掬吳蜀事已陳觸蠻角方逐勝負夫何常禁中需頗牧
第論將帥略君才指堪屈

抵公安縣

客到公安興惘然荒城景物似當年蕭疏檣影漁張網
剝啄琴聲女紡棉補屋備知陰雨意還鄉棖觸大風篇
一家飽煖甯非福匹馬天涯祇自憐

行盡長亭又短亭沿隄官柳尙青青近聞笑語知爭渡
遙見疏燈誤落星置驛館人殊懇款借車計吏半凋零
誰憐今夜天香室翠裊單寒悄倚櫺

澧州柬徐衡山直刺

閒搗馬策過州門擁道兒童笑語溫卓午停驂晴晝永
輕裝壓擔曉霜繁愁添秋士孤寒淚借寓考棚廳宇荒涼科舉停罷已數
年喜見冬心筆墨痕壁間懸稽留山民中幅字一榻澧

矣

法別開谿徑許爲真蹟

一榻澧

陽留故事翻勞徐稚客陳蕃

早行

一劍相攜又早行
澧蘭紉佩不勝情
孤煙遠上炊初熟
薄嘒惺忪夢未成
馬褫創嘶古渡眠
牛鼓腹待春耕
村名隨處逢人問
舊地重經路轉生

極目

山行畫裏黛難描
強把鞭絲繫柳腰
十里錫簫尋估話
一肩經擔遇僧挑
晴郊烽靜還通垓
斷砌冰澌正補橋
綠女紅男生意滿
多應棉熟稻梁饒

憶松子齡都護並謝贈詩兼柬文郎贈畫

相逢各訝鬢絲霜又拂征鞭向貴陽鐵鎖北門留寇鑰

金尊南浦話媧鏡

承在八旗學堂作餞席間談及慈聖萬壽觀劇

川黔雪柳

勞行役豐沛風雲鞏帝鄉

荆州旗兵操法為駐防之冠

讀徧好詩兼

好畫累公喬梓一時忙

大龍驛雙桂軒題壁

植根難記自何年卻染衣香古驛前獨客遠從天末去

雙修舊本月中仙留人未是陽關柳入幕差同儉府蓮

樹在屋後幕客劉參軍以詩惜之

對影似嫌冠蓋俗不教花發太隄邊

宿雙桂軒有懷杭州

驛亭雙桂伴雲輶遙想香樓啟畫寮

亭秋在天香樓

日暮鷓鴣

憐客倦天寒鸚鵡喚人驕略如梅笑芳檐共不比棠妝
絳燭燒料得未秋同賞月聯吟仙館韻先挑

極目

逶迤山勢足蜿蜒紅葉綠坡絕可憐瞥見餘霞空際落
錯疑身已到天邊

將抵武陵

嶺雲江樹影蕭疏地接城西廿里餘道左豐碑棠舍蔭
人家門榜藕田居歸林自有忘機鳥竭澤無如縱壑魚
閱盡人情賅物理埋頭勝讀十年書

薄暮疊前韻

南來迢遞數征輶
早飯僧寮暮客寮
短笛歸休牛背穩
疏燈臥影犬聲驕
梁間舊壘依稀認
江上餘霞爛漫燒
薄醉村醪無覓處
酒帘料被晚風挑

越吟篇寄亭秋杭州兼悼紋女仍用漱芸韻

西川節度南歸客
片帆遠挂牂江席
宵來忽奉越人書
一筆題就詩膽窄
傳聞雅製出中祕
吟自紅闈才少二
金帶圍寬憶沈郎
黑貂裘敝憐蘇季
回文錦字幾摩挲
夜雨挑燈一放歌
料得畫梅倚窗下
朝朝對鏡蹙春螺
憶昔結襦得吾子
百兩迎來女博士
都人爭道孟光賢
伯鸞五噫聲譽起
金門戒旦自年年
曾上御屏詩十聯

東風擡舉花枝舞冀北回顧馬羣騫勤王詔書馳牧伯
京兆和我愧無策清淮梁苑又姑蘇相對子然話疇昔
重展尺書來遠方萬金抵價未嫌昂客邸懷人勞夢想
門楣無女失輝光思君待續仙樂醺九月在杭同游湖
上曾買酒於平湖
秋月之仙樂
處扁舟共飲思女空悲玉臺彥再世金環殊杳茫一十
七年驚過電江上詩情霞綺散閨中幽恨託詞翰倚檻
愁看北斗斜歸耕合詠南山粲

武陵示周鏡漁觀察同年再疊前韻

鐸聲破曉動星輶不愛經寮愛酒寮春到花潭千尺膩
詩成馬上一鞭驕才憐王氏青箱老謂鐵珊
駕部兵共周郎

赤壁燒羞澀行囊關尹笑半肩琴擔伴書挑

兩夜得句贈鏡漁三疊前韻

三辰小住武陵輶喜向高齋倚畫寮公瑾醇醪難入醉
元龍豪氣不堪驕未應柘曲筵前誤可惜桐材爨下燒
今夜客中縈別緒小窗聽雨一燈挑

追和吳仲懌侍郎三首用元韻

第一功名治洛年重親光霽 禁城邊殺疆 帝許榮
三錫衛道公能障百川白髮論才儲夾袋紅牙拍曲惜
芳筵離亭折徧千楊柳已是金臺夕照天
髫年隨宦勵羔羊曾過阿蒙舊井疆朱邸置郵通鄭驛

黃墟感逝夢吳閭談經鹿洞崇儒術教子燕山有義方
最喜東坡傳父學敢云歐九峻門牆

宦途南北共君恩又策征鞭向里門廿載鄉心輸野

鶴一生詭遇薄蒸豚玉臺織錦添新詠

時接杭
中家書

金井題

襟憶舊痕卻幸彥升非遠適好傳吉語報梅村

武陵臨發賦贈諸公四疊前韻

細雨斜風萬里輶凌晨話別過僧寮飛揚旌旆天無色
滑澆泥塗馬不驕衣敝忍言慈綫補炊寒記取屢屢燒
筆花絲繡殷懃意壓重行裝費僕挑

河湫道上五疊前韻

天公著意款歸輶待月江樓聽雨寮
遠道疲驢增客累荒村飢鼠向人驕
編籜櫛木隨波下搏土成甌帶火燒
不禁天涯行役感琴囊無譜漫句挑

桃源縣調呂大令適有期喪未見書此贈之

桃源何處不煙霞城郭人民俯萬家
雨後翦蔬菘抵筍霜中染樹葉疑花
雲迷洞口津難問夢繞江南酒可賒
沿鎮均市蘇酒東道未逢賢地主料隨仙去飯胡麻

遇雨遣興

晴鬱松髯雨鬱杉拚將卉服換朝衫
兩頭合坐無簫管一醉當筵有史監
詩伯何人似東野漁翁大半宿西巖

拖泥帶水桃川路無分成仙笑落凡

早行

茅店雞聲裏征夫戒夙興兩行餘絳蠟一夢醒青綾遙
嶺猶留雪橫塘已上冰孤煙催早爨山半有人膺
憶遠腸先曲逢人面總生負兒筐代襁喚婦雨催晴徑
窄雙弓拓橋傾一木撐茅檐攔客路留我亦多情

桃花源行

桃源勝境天下無春日桃花紅萬株
搗來葭瑄動灰初未及看花心踟躕
呂侯遺我桃川圖開函發紙雲卷舒
請朝戒塗命僕夫兒輩相攜笞疲驢
更有賓從才嚴徐

籃輿同到山洞隅山中甲子殊模糊云是秦人避嬴胡
特留此地受塵居雞犬桑麻樂只且後來武陵人捕魚
扁舟容與知津途靖節先生好讀書身在晉室心唐虞
作記如親高隱徒附會神仙未免誣辯誣已有韓與蘇
摩詰賦詩筆不枯漚川無此水雲鋪捫碑一一如貫珠
佳致亭子難荒蕪入門絕磴相盤紆山館上與白雲俱
拾級差賴萬松扶道人誅茅山不孤手出新句同貌癯
我亦放手墨鴉塗旁有更生掩葫蘆不肯豁然看日晡
憐渠采薪姑舍諸各賈餘勇磨厲須一縷羊腸高下殊
雨後滑澁心力輸前足奮迅後攀拘兩手攀藤汗盈顙

欲進不進愁崎嶇須臾開曠若通衢繡陌交錯列井閭
茶林夾道桐花敷適聞山鳥相歡呼惜哉但少耕夫鋤
邇時日光騰竹梧鍊師正蒸燒丹鑪折向窮林用目徂
遇山可有唐童瞿惟餘殘碑卧龜趺馬旣瘖矣僕又痛
遠瞻高舉懸天樞尋契疑在牛斗墟飛升只合讓猿狙
我將謁墓還做廬勞勞此問胡爲乎回語道人莫相需
卽今太平法網疏閭左篝火無耳餘縱非仙源亦華胥
何況山水足清娛早夜焚香午種蔬葛天無懷不爾如
清福已覺十倍吾若將廊廟易江湖再到未必朱顏朱
白頭重話舊元都漁翁高貫四腮鱸大笑學仙膽氣饒

但恐稚子苦牽裾吟成撚斷數莖鬚持示劉郎合起予

過辰龍關有感倒用杉字韻

一到雄關便不凡四邊青翠點雲巖壁懸已等天難上

地險何須郡置監徑窄城尖愁遠旆杜詩城尖徑窄旆旆愁情景似之

蹶痕鞭影伴征衫封泥畢竟英雄概莫老深山百尺杉

界亭驛調陸貳尹

絕壁不逢人高低路未勻有關知地險無事笑官貧藏

劍荒唐說俗傳吳三桂事敗藏書劍於山峽燒灰浩劫塵市廛被火驛瓦礫滿地

亭多種菜尊酒夜留賓

新店驛早發

眺遠方知雪後天朝來晴日淡寒煙溪流礙馬踏冰過
山轎如船借繹牽一色旌旗紅樹裏萬峯蒼翠白雲邊
七盤九折聊堪擬似此乾坤費轉旋

十一月廿九日感懷諸作

斗極仍瞻北征鞍又向西寥天雲蓋密市地電繩低迎
面山還睡盤腸路欲迷時平少烽燧一望綠萋萋

今日復何日愴懷墮地初不曾光照戶何論喜充閭紫
石猶留碣青囊早廢書神仙惜未遇有夢伴長途

昨接山妻柬今朝禮睦巷逢生疑未死愛女甚於男苦
憶長身立難忘短髮鬢含眞刊萬本先向客中談

陌上垂楊色闌中鬪草圖料應學北苑只愛住西湖寒
甚竹休倚花時筇偶扶客途無可寄紅豆兩心俱

牖戶綳繆極人家正補茅送茶新婦禮煮酒故情交驛
遠愁瘖馬廚空樂野肴君看梁上燕安穩報歸巢

臺築黃金賤城歸白壁完似聞韓范畧終結藺廉歡履
道誠宜坦盟言未易寒 至尊憂社稷流涕話艱難

太息青蒲對東南事若何不嫌宣力瘁真愧受 恩多
遣興還看劍謀生未辦蓑桃源昨日過無計避鴻羅

寂寂三义路悠悠獨客心未春田水足不雨隴雲深世
外容漁樵天涯有興琴澧蘭沉芷恨併入暮江吟

誰斬郅支首揭竿懸藁街極邊猶貢象當道竟呼豺道旁
有豺噉雞塵海劫初換雪山晴亦佳投簪思病語惆悵
一村皆驚

八關齋

進退綽然裕何勞簷尹占路人誇畫錦闔怨捲香簾莫
道腰圍減惟愁酒債添途中滋味好僕從一身兼

憶內

淙淙流水漱洄溪客路生涯信馬蹏叱不羊成多怪石
跡將鴻印惜芳泥途中沽酒旗先認局外觀棋斧任攜
行過龍關又獅嶺片時征夢到湖西

嘉平朔日宿馬底驛

村村臘鼓正催人未卸征裝歲已陳
奇境難描詩擱筆清名偶播鶴隨身
腰纏飽拾獅峯翠手板爭迎馬底塵
行篋縱無新鳳厯道旁梅萼已饒春

辰陽道中

月魄哉生隱掛鎌清塵雨脚尙纖纖
急流盤勢新安碓寒翠分陰早壓檐
徑窄斜穿容半緯碑殘細認捲疏簾
旅程似塔千層峻行到中途未合尖

一寒尙擁故人袍立馬千山顧盼高
世五百年交孔李才三十里角楊曹
朱顏易老羞明鏡壯志難灰拍寶刀
道左泥塗多蠖屈短衣作客未云勞

北望

不二酒家都一處逢三花市下斜街金臺市骨曾求駿
鄉校誅心竟畀豺滄海橫流何日了終南捷徑自然佳
題詩莫把紗籠護王播當年愧飯齋

新店早發大霧

日華初上露華承俄頃千山瘴霧騰賈勇共登梯百尺
怯寒獨醉酒三升絕無畦町途何險莫大功能氣戒矜
遙望電竿天外落多應捫斗挂長繩

船溪驛有感

太息船溪路荒涼欲斷魂卅年三過驛十室九空門地

已絕車馬人猶長子孫眼前生意少零落不成村

辰溪早尖

西上窮沅水北流通蜀江五溪蠻鎖鑰百里漢家邦
海客揮金穴仙人啟玉窗話幽亭四望民俗喜敦龐

暮到山塘驛

暮色滿林扉天低鳥倦飛牧童吹笛返砧婦擣衣歸遠
岫陰晴合孤村煙火微浮生只自笑何事逐輕肥

喜漱芸多子

謨烈由來重顯承喜看獅子盡飛騰書香自可傳藜杖
才量何能計斗升膝有嵒兒生不忝身爲廉吏古之矜

造門他日容相訪又見諸孫美繼繩

山塘行館憶內

行囊乞火試腰纏恰是楓林月上纖
兩水中間攜蠟屐亂山缺處補茅檐
鳴雞野店常通枕待燕深閨未下簾
欲報平安難著筆十分心緒繞毫尖

懷人九首

江陵張大令嘉畹

行邁止荆沙客程如到家障濶資赤手
度曲按紅牙太守傾尊酒將軍貽畫義
更饒姜被煖特向使君誇

公安李大令天柱

聞君筮仕歲在我未生前君咸豐乙卯以知縣筮仕於陝西秦嶺秋雲

薄荆南冬日妍淡香堅晚節養正始童年公安小學堂甚有條理

遠送臨官渡慚余飲馬錢

澧州徐直牧本麟

橋影界鴻溝界溪橋為荆澧分界處南即澧州叙蘭澧水秋民嬉知俗

美事理本才優樓許元龍卧榻勞徐穉留迎 鑾先識

面我已愧荆州君言辛丑礮彭迎鑾曾識我於行在宮門

武陵羅大令維翰

天不界華夷使君知遇奇才原勝赤棒書早讀藍皮歐

約排牙軸湘泉有口碑留余三日飲聽雨正催詩

桃源呂大令學楷

匹馬渡漳江，停鞭意早降。
多情置賓驛，美政驗徒杠。
詩學五言李，才羈百里龐。
黃童夙擅譽，江夏本無雙。

沅陵蘇大令宣烈

惠澤流湘水，才名重楚山。
栽花滿大邑，提劍下雄關。
曾向沙場卧，新從洱海還。
殷懃東道意，不把酒尊慳。

辰谿旃大令焯

氣象真儒者，幽居廉讓間。
人如兩漢吏，地控九溪蠻。
泥雪爪堪認，同年生遵義周君小岡昔縮斯邑浮雲心自閒。
君以大挑知縣高齋一席酒，重話石屏山。
借補州同缺

芷江張大令其鏗

洛下開春榜功名重甲科此才堪赤緊惜未侍金坡香
草清芬遠甘棠餘蔭多我來一莞爾如聽武城歌

晃州趙署牧夢蘭

佳士憶龍溪聞聲費品題喜逢署司馬止宿爲烹雞問
俗民知儉觀書古與稽假觀州志卻嫌文物少風雅仗提攜

玉屏晚興

纔見黔山擁翠微荒城許我暫停騑久經塵劫猶身在
乍聽鄉音與耳違野爨喜嘗新紫稻疏燈愁伴舊紅薇
驛有額題翠柏紅薇之館吹簫何地非吳市棖觸江南作客歸

青溪驛館

行過羊坪路幾重縱無雲舍尙雷封

先大夫曾授斯邑未到任

一城

斗大容羈旅四境犁荒惜惰農挂笏西來山笑我濫觴
東下水朝宗當年借寇虛成願棠蔭追尋竟莫從

李苾園尙書輓詞四十韻

老輩嗟寥落斯人竟不留大星沈并野黑水黯梁州公
本匡時彥才難並世儔傳經人羨鄭畫荻母賢歐芹藻
鸞聲噦萃蒿鹿宴呦南宮登第早東觀校書讐春榜一
掄士皇華五速郵慈烏唳月冷英隼挾霜道多繡停驄
馬驚膠續女牛宮坊臣力就臺閣主恩稠下走初燒

鯉高門正唱騶，目容三日刮齒讓。九齡優惜我才修，鳳
逢人拙避鳩。聞言同嶽重，有泗比川流。花市朝聯騎，江
亭夜訪鷗。生涯思鋪荷，時局等棋收。庶獄周司寇，神倉
漢鄧侯。秩宗方掌禮，宦夢忽驚秋。學海茫無岸，書田舊
有疇。狄門多士濟，神武一官休。鞶帶辭殊錫，鞭絲作遠
遊。河梁嗟日暮，隴坂歎途脩。青鳥剛逢使，金雞又報籌。
傳來瓊闕詔，銷盡玉關憂。輦轂驚鳴火，台衡欲奠
甌。兩宮餘涕泣，十國苦誅求。柳綠迎仙仗，花紅拂
御溝。位高慚我竊，身健羨公抽。椒頰聊持贈，葭吟互唱
酬。歸期勞遠訊，禊事擬重修。雨遲三徑罌，風滿一樓

捧心懸碧漢埋骨委青邱惡耗疑猶未生芻寄到不雲
遮元伯馬雪阻子猷舟有妾悲樊素無兒似仲謀黃墟
空感逝彤史待銘幽大地誰青眼浮生亦白頭金環難
再問銅鼓不成謳蠟炬天甯淚獅巖客邸愁何當齊物
我今古一浮漚

青溪早雨

溼翠無聲染客衣雞鳴關外雨霏霏千林紅褪楓都老
一徑黃鋪草不肥烏道極天盤磴上漁家隔岸放船歸
我來正值屨炊熟飽飯何應減帶圍

蕉溪早尖酬謝秀山太守同年

纒枕溪流未掃苔鳴騶先報謝公來八年契闊重相見
萬里窮邊惜此才薦鶚有書堪大受聽雞無伴祇餘哀
詰朝霖雨孚民望我亦蒼生眼更開

灑陽館舍酬余子存大令同年

當年春榜重詞曹獨與明公剖務勞不慣逢迎慚我懶
絕無乞請佩君高重來劫話僧樓火喜見恩流灑水瀉
今日受塵前共譜一尊何幸醉醇醪

青龍洞佛樓卽席奉酬余子存大令同年兼示秀
山郡守先在中元洞小憩並登高頂閣學堂用杜
工部贈衛十八處士詩韻

巖城無鼓角山水自宮商
邑侯喜見招征旆生輝光
緬象橋東邁一色苔蘚蒼
中元洞景幽壁絕徑羊腸
更上青龍頂來閱讀書堂
青衿感城闕零散不成行
佛樓肆筵席德星聚一方
鍊師求丹訣蠻女晉壺漿
嗟余謝鞅掌不能藝稻粱
縱陪東山屐愧此山水觴
須臾日腳下寺鐘和漏長
秉燭盡今夕煙月付蒼茫

施秉悼亡友羅著卿廣文

立馬千家望眼中上游形勢夜郎東
煙籠遠樹疏還密日射澄潭白
尚紅橋駕新看雙鳳引新建雙鳳橋城高舊喜百蠻通
平生契闊推昭諫冷署寒氈恨未窮

飛雲巖題壁

奇境闢鴻濛此巖何時有白雲自無心我來迷洞口

游飛雲巖得句用杜工部絕代有佳人韻

天不缺西南闢此幽靈谷上有萬重雲下有百圍木神
工心獨運鬼斧力堪戮立馬恣遐觀髀盡英雄肉我來
日方午縱遊未秉燭石乳千芙蓉朵朵碧於玉禮瞻大
士像桑下戀三宿瀑布走空潭疑似蛟龍哭片時蒲團
坐皈心洗塵濁遊蹟半天下歸家少茅屋盍與白雲居
日日清泉掬卽此是東山中年感絲竹

黃平卽事

刺史與公最有情講堂留我駐行旌
年來自笑冬烘甚怕遇見童問課程

府街一角讀書樓寒夜先生在上頭
今日過門搥馬策

茫茫何處是西州

幼時受業師王乙菴先生黃平貢生今不可訪

寒甍依舊廣文貧木鐸荒懸寄此身
聞說相如新病渴

廿年苜蓿老斯人

一元貞下不潛藏未囀倉庚已載陽
誰道日和冬可愛朝曦曝背熱於湯

城邊一望曉星收十里嚴霜草木稠
已覺峯巒千萬轉塘夫纔報過黃猴

何年千羽化斯文
頰解風流美屐裙
獐布纏腰銀亞領
野花親折獻蠻君

如飛健足藐猿獠
芒屨穿雲顧盼高
忽得百錢思變計
翻山一笑學逋逃

橫江鐵鎖穽遐瞻
客到重安正早尖
橋上何勞過駟馬
扁舟一索走飛檐

清平道上

昨苦炎蒸笑脫冠
今朝灑潤不勝寒
天公晴雨原無意
冷煖由人付達觀

虎牙熊耳狀攸殊
白葦黃茅一片鋪
誰道黔山貧見骨

兩山逼下一橋通
拓地殊難展數弓
騶唱似聞鞭掃霧
蛇行微見草驚風
佛前野衲愁香火
客裏家書滯驛筒
行到黃絲問絲價
桑陰零落女牆東

久役遣興

迢迢鄉樹暮雲端
尙少梯青路幾盤
三見月華思玉臂
五經星野卧雕鞍
詩吟囊底添新本
雪釀山中逼大寒
銀印暫拋無俗累
不知明日有封丸

明日大寒
兼封印期

宿貴定有懷
樊鄂樓觀察丈

榻前鼯睡幾春秋
一舉欣看兩縣收
今日桑陰棠舍裏
論功誰祀舞陽侯

貴定晤胡仁齋比部同年

十年不見胡安定舊雨相逢驛館街
太息白衣幻蒼狗
早拚赤鳥換青鞋菊松小隱開三徑
桃李新陰徧兩齋
一榜晨星今剩幾地鑪烹火話離懷

貴定早行過牟珠洞未暇登覽作此解嘲

平生佞佛恥何充一笑翻乘避面驄
未許飯心稱法護也如交臂失英雄
門前字漫題凡鳥洞口泥難印客鴻
靈境由來關眼福幾回都付與春風

過董彝塘有懷

細雨斜風董彝塘寒宵一榻豕牢旁
前塵如夢真堪笑

又拂歸鞭過短牆

龍里行館追述先德

嚴城近時省門東猶道先人保障功喬木已經兵燹後
甘棠不付劫灰中維駒此夜通賓驛吐鳳當年問字童
先大夫在邑培植寒畯舊聰聽口碑惟墮淚愧無治譜
時昔書童子有擢高科者

繼家風

慈烏歌

人生少年苦貧賤飢來驅走百不怨一朝得志轉自憐
富貴徒博他人羨我著征衣去里時圖雲關柳嫩如絲
慈親手紉千條綫但恐遊子歸來遲衣做綫盡歸不早

夜郎天外發長嘯推恩縱有考叔羹可奈瀧岡封宿草
一別怱怱廿五年重尋春夢委殘煙城郭半改人非舊
何異滄海變桑田滄桑世事幾回首叢祠曾經狐火後
不憂海上萬波瀾端賴舟中一舵手謁來飽看故鄉山
百事不聞且閉關依然春柳迎人笑不見雛鳥喚母還
抵貴陽省門輿中口號

昔年北上動征驂琴劍隨身影共三惆悵離亭一尊酒
蕭蕭風雨大橋南

喜見門生馬首迎漫勞冠蓋致多情一條深巷數間屋
肯構見曹記憶清

貴陽小住示激雲

閒尋鄰叟話滄桑一飯千金未是昂
烏止怕瞻誰氏屋燕飛猶認舊時堂
樂天老去風情減重耳歸來險阻嘗
審識參軍蠻府詠催詩翻笑燭花忙

亭秋來電附詩一首走筆和之

錦書馳電喜還驚獨客何心紙上名
昨夜夢君兼夢女夢回寒漏正三更

後懷人九首

玉屏龔大令玉銓

來作受塵氓還鄉第一程屏山新治譜
渤海舊家聲小

試烹鮮手偏增來暮情君蜀人望我 簫音滿城市宦味

有餘清

青溪任大令萬清

地僻炊煙少嗟哉作吏難一鑪鎔大錯舊有鑄鐵履錯

得法今已廢置 百里悵窮官獻客松花毯懷人苜蓿盤同年生

魯菊人兩君 將門應出將早晚起霜翰君將家子

鎮遠余大令應雲

阿咸前止宿深眷饋盤殮今我言旋里煩君先款門維

桑三宿戀同榜幾人存一席僧樓話招飲青龍 燈花落

酒尊

施秉史大令支昌

廚傳先期備深情荷主人鳳橋燈火寂邑有雙鳳橋驛館月

華新室馨愁生計盤殍損俸緡望江多望族毋負宰官

身

黃平孫州牧琳

絕妙丹青手君家世父行謂竹雅太守秉鞭看作牧肯構許

升堂政美無新舊黃平有舊州新州年豐有蓋藏留余覺舍宿

衿佩任飛揚

清平熊大令士清

醉厭沙場卧來彈下邑琴功名推強項撫字總勞心性

不因人熱情還送我深蹇唐殘客在白髮感知音

君言曾隸

蹇了和觀察唐鄂生中丞部下
今一官百里總期無負兩公

平越李直牧應華

寂寂荒山道悠悠歸客心未謀醜茂面如聽子期琴

棘哀矜獄

君奉調來省獄

甘棠蔽芾陰黃絲與羊老隨處望

為霖

貴定任大令本恕

老吏任安在淵源溯碧雞雲停賓館靜月照女牆低

雨一甌酌

謂胡仁齋比部

清風兩裏攜滇南多傑士管領夜郎

西

龍里施大令汝欽

製錦知君誤斯才可石渠責誰司柳兕

近有越獄之案

察未見

淵魚失馬愁空肆停騶感造廬通經終致用遲上薦賢書

除日遊扶風山還登東門文昌閣有懷少石大兄
適得升授鄂臬電音

爆竹家家餞歲筵我來偏締赤松緣上方鐘磬孤雲裏
極浦炊煙落照邊柏府恩綸馳遠驛梅花春意入新

年山中梅頴濱鎮日閒無事卻笑東坡苦被牽

坡詩除日當告

歸官事

留

戊申元旦口號用漱芸韻

朝元猶憶漏聲傳
劍履趨跄玉筍聯
魂夢總縈長樂苑

歲朝重話夜郎天
宦情處處隨年減
春意遲遲讓客先

正月四日立春銀燭兩行書帖字
慚無彩筆鬪花妍

元日展拜丁文誠公祠用漱芸韻

誰道韋皋是後身
武侯祠廟尚如新
論功何止鄉人敬

公功在社稷 詔祀京師賢良祠歆祀剛回歲首春
喬木故家猶世守

梅花甥館憶前塵
甲申謁公成都節署載瞻遺像心香

祝棠舍枌陰萬福臻

丁文誠公祠下喜晤唐鄂生中丞丈作此奉贈

黃村一揖各分手不侍清塵二十年玉瑄又調新歲律

角巾同話故鄉天

公致仕家居僕亦請假旋里

竊欣魯殿靈光在更

喜汾陽福壽全地下文誠如可作料應情款几筵邊

新正二日道逢迎春

楊柳青旗一色新喜逢太守正班春廿年不踏東郊路
又逐兒童馬後塵

展墓禮成述懷

北耆述先德吾宗世澤長先公舉孝廉試令來黔陽魯
恭異中牟朱邑葬桐鄉我生苦孤露八歲椿凋傷哀哀
母氏勞熊丸味備嘗教子幸成立慈墓悽白楊罔極昊

天德言念摧我腸作宦二十載田園半就荒承命督
益州提封接梓桑縱無錦堂錦松楸何忍忘爲乞三月
假帝許辦歸裝速郵五十程隨風到夜郎依然封馬
鬣幸未踐牛羊月正五六日祭告先焚黃牲醴誠不腆
聊以薦馨香曷若菽水樂淚下霑衣裳戚友咸助祭冠
履肅趨踰顯親吾豈敢展敬願斯償不見田家子年年
邱隴旁何日息仔肩春秋愴露霜

貴陽雜感十八首

黔靈疊翠挂斜暉有客新從萬里歸門榜依稀尋舊巷
親朋寥落掩重扉慚書畫錦歐公記怕檢花斑菜子衣

甘載鄉心今偶遂未應蔬膾炫知幾

尊養 慈甯孝治隆還因教孝寓求忠豐碑許樹甘棠

蔭 御筆新旌畫荻功親舍無雲惟涕隕瀧岡有墓感

恩同歸鄉敢謂榮閭里駟馬題橋論未通

井泉清冽憶黃家園裏紅桃正放花 黃家井桃花園均有先墓 總爲

防山識封樹不因齋壁快籠紗重迎寒食東風懶又是

清明細雨斜 請假三月 門館還添遊子恨石台嬌女盼

歸槎

青油障面下重簾猶有人呼舊孝廉獺祭賞心先雪苑

幼讀侯商邱壯梅 龍門燒尾憶風檐機中織錦書憐蕙

夢裏生花筆退淹飛羽想邀明月共起看眉景尙纖纖
行過沅州第幾橋鄉音先聽玉屏簫蠻姬笑舞花雙鬢
野老歡迎酒一瓢祇向官家詢米價閒攜兒輩訪松寮
傳聞蜀道青天上猿鳥何勞下見招

回首兒時笑我頑某山某水儘躋攀薰樓賭酒百錢富
冷寺敲棋一著閒踏翠縱羸腰腳健奪朱無賴鬢毛斑
比鄰有客江南返爲道蒼生望早還

天盡窮邊日易低鄉心五處夢都迷修樓鳳手難爲弟
寄廡鴻眉尙有妻少日童烏猶在口舊家梁燕已空泥
難禁看月香山感悔不西湖訪白隄

梅龕斜對草堂開一顧心傾幾下才
臨邛東牀容我卧
牙張西蜀後公來百年利溥都江
城及陞名成濫瀕堆
深愧韋郎繼延賞春風坐上早驚雷

泥濘緇泥認總模糊何止黃公一酒壚
賣藥韓康空有市
鼓刀朱亥已無屠但聞嫠女憂危語
不見春婆富貴呼
太息漁竿何處著料應故態失狂奴

風雪朝天曉漏寒兩宮前席話艱難
極思中外一家
共塵念東南半壁殘玉蟬垂楊容繫艇
儀鸞撤膳

召加餐涓埃報稱臣何有鎮日河干愧伐檀

難酬夙好與新知燕豫荆湘匹馬馳
記里才輸楊德祖

通賓情感鄭當時重來定有桃花笑小立惟餘柳絮思
最憶風流賢太守紅牙親按竽親持

吳宮花草鬪芳顏風景姑蘇春又還驛使不逢來鄧尉

客船重擬到寒山雲迷縹緲峯千尺亭愛滄浪水一灣

今夜翠微頻翦燭翠微閣在觀音寺極深秀卧遊詩興動鄉關

銅鼓蘆笙和曉煙芙蓉分翠禹門邊飄零紅杏如飛馬

趙仲昉修撰早逝呼喚青蓮不上船李慈園尚書新逝宿學尹偲後桐

野遵義鄭子尹獨山莫子偲兩先生均黔中大名丁李

繼犀川平遠丁文誠公黔西李恭勤公先後督川功業彪炳平越王犀川先生曾督東河名位在前

靈光一老今無恙謂唐鄂生丈莫道窮荒始破天

瞥見紅燈夜有光
俄聞秋閨厄黃楊
留臺鎖鑰章臺馬
一國狐裘九國羊
喜共客卿迎
輦轂閒同妻女話
滄桑驚魂祇剩飛瓊
在說到金鑾淚數行

逢時凡馬亦空羣
世事休論泥與雲
國士豈能忘一飯
人情誰解重三薰
烏衣易主猶思謝
白練書裙合慰欣
欲向江湖賦充隱
笑人恐有北山文

作宦天涯未是貧
謁來書劍尙隨身
一衿喜入邢公鑑
百醉羞污丙相茵
桑下每增三宿戀
棘中曾掃六街塵
祇愁不合時宜處
恐有兒童冷眼嗔

不盡春流繞筑城
斗南翹首望神京
已馳素練迎胥種

誰把黃金結勃平地入苗疆看羽舞軍參蠻府動笳聲

激雲素軍隨行 遠中得詩甚富 半肩琴鶴尋常事清獻當年浪得名

一樓雙柱佛千頭 城南甲秀樓鐵柱雙株乃鄂文端勒

千佛一座 均極古致 雪後重尋爪印留遺像肅瞻新建伯崇祠虔

拜武鄉侯 王文成諸葛武侯均有祠堂 九連城郭皆如舊十萬人家

喜報秋 文端謁武侯祠有十萬人 道左似聞私絮語征

衣不是黑貂裘 家飯熟時詩句載入志乘

元夕後二日游黔靈山寺用花笈亭方伯題壁韻

示漱芸

石磴重尋舊點苔盪胸絕頂白雲開人如退院閒僧在

我爲看山倒屣來落葉半飛煙外寺拈花一笑佛前梅

佛堂有古梅一株

亭碑剝蝕依稀認誰向天荒闢草萊

大好黔南第一峯回欄曲曲路重重客來活火雙旗茗
風送奔濤萬壑松石壁又增新韻事鉢池難照少年容
平生出處殊王播喜聽齋堂飯後鐘

二十日尹仲連世兄招遊城南觀音洞設宴一覽
樓賓主雜坐情話極歡激芸參軍首成二律用余
前在大梁辦香樓賀雪詩韻依韻答之並柬主人
是日爲蓮漪夫人生辰不禁喟然

一尊營奠惜芳辰強起看山集衆賓卻扇誰憐齊贅婿

催詩已有楚狂人
青松白石雲中寺
香火蒲團洞裏春
傑閣玲瓏天外落
鏡臺無處著埃塵

策杖僭登一覽樓
四圍蒼翠上眉頭
故人有子羅雞黍
遠客離鄉幾葛裘
薄笨生涯虛後約
秀才滋味愧先憂
數聲清磬霜天暮
已有鴻泥指爪留

二月朔日遊東山有愴次女昌穎

感時非興午把酒
上東山江表一年別
泮河萬里還燒痕
明滅裏晴翠有無間
又過中和節春花惜女顏
女於甲午是日病逝屈計已十五年矣

越日有作

漫空雲氣與身浮
釜底層城四望收
佛面可曾迎客笑
鄉心強半爲山留
殘碑細認棲霞石
破瓦危撐待月樓
二十五年一回首
幾人華屋幾荒邱

木魚聲冷飯堂邊
舊日童僧已皓然
陌上東風吹野燒

洞中福地領諸仙

仙人洞在山後

懸崖撒手談何易
荒寺尋春

轉自憐安石難爲江左出
鄉關絲竹感中年

游南嶽山

南嶽疏鐘颺午煙
俊遊人在翠微巔
數腔樵笛雲中路
一帶僧衣寺裏田
魚鳥多情驚我老
柳桃含笑鬪春妍
翁碑喬隸捫苔認
暫結松寥半日緣

二月四日奉命移任湖廣賦答漱雲

郭筒難買錦江春又挂蒲帆漢水濱劍外甫開巖武幕樓南忽接庾公塵耕無綠野遲歸隱夢繞青門暫乞身

時在假中

莫副蜀民霖雨望高歌轉和楚狂人

亭秋以詩電訊依韻酬之

梅花清夢待同尋錦字回文寄意深蜀道未題司馬柱
漢陰重訪伯牙琴神仙栩栩躡蹻躡樂意關關睨皖禽
傳語紅閨早料理春寒莫被曉風侵

禮大士日遊相寶山

一覽羣山拜下風黔靈而外此稱雄憑臨北斗懸城上

飛捲南明入鏡中
說法無僧參玉版
沾春有客擲青銅
蓮臺未是銀河畔
刻畫牛郎總不工
大士座前舊有銅牛已失去今改鑄以鐵工拙殊不形似

筑垣留別四首

入山仍未得回首
望黔靈又挈鶴琴侶
重過長短亭
浮雲身外想劫火
眼中經甲秀樓新燬匹馬天涯路
驪歌未敢

聽

展拜難爲別
松楸繞墓門
數行遊子淚
罔極昊天恩
庭訓懷先德
家聲望後昆
滔滔江漢水
清白不曾渾

社酒鄰家熟
今朝是別筵
寄梅殘雪夜
折柳早春天
塵

覆三間屋耕無二頃田簡書催太急緣受 主恩偏
浣花詩老宅只好夢中尋樓記懷芳躡琴臺寄素心那
堪南浦賦都向夜郎吟白髮何哉在忽忽感喟深

二月二十八日早發貴陽

浮雲一鳥倦仍飛三月還家不當歸客路重尋泥爪舊
芳心羞逐李桃肥難傾父老臨歧酒慣著征人短後衣
新柳官橋未堪折南明春水共依依

龍里行館夜雨與李栩然秀才茶話

龍城燈火散輕煙相對魂銷各黯然行腳易隨蓬梗泛
勞生苦被網絲牽多情送我難爲別永夜聽春祇自憐

明日長亭一尊酒黔靈高望楚江天

出龍里東門過先大夫德政碑下敬瞻誌感

豐碑猶可讀下馬當趨庭爲政寬兼猛之官丙及丁先

夫道光丙午署縣事丁未卸任瓣香身後祝與誦路旁聽八歲孤兒在

難通陟降靈

游牟珠洞

平生游腳與都付與東風西南諸洞天偉哉此稱雄扶
輿磅礴氣胎孕非人功何時破天荒勝地開鴻蒙前洞
已奇絕日色石罅烘一柱鎮坤維具體衡華嵩仙佛現
寶相龍象鬪神通雕鏤愁斧鑿攀附絕猥狻造物不一

物欲贊詞先窮後洞深以墨環堵皆闕宮爲燃十丈炬
火光澹不紅山僧旁引導稜稜神鬼工或危若奔馬或
亘若長虹或拱若童子或僂若老翁或珠璣絡繹或寶
塔玲瓏或磬音曼玉或鼓聲摩銅銀海炫生花豁然發
我蒙我來日卓午撰杖兒輩同靈隱藐飛來洞庭笑石
公飛雲差比肩尙遜凌虛空洞口讀殘碣捫剔苔花叢
小憩印心堂蒲團坐當中再到知何日斯遊乃泥鴻長
嘯出門去白雲甕城東

三月朔日貴定早發道旁綠柳絳桃依依有作別
意始覺身在客中爰賦此詩

打疊征衫夜嚮晨浮生祇合老風塵貪眠弱柳偏憐我
含笑天桃解送人曲澗通津橋宛轉童山立馬石嶙峋
右台舊句添新詠夢裏鄉關夢裏身

道左紫木筆花盛開

不上披香殿偏生大道旁紫衣君早著青眼我相望風

信剛三月繁華寫眾芳牟珠春色滿惜未侍花王

牟珠洞牡

丹將開

讀外舅周春甫先生遺詩題句示仲堅內阮

一卷纏緜絕妙辭判花人去費尋思

先生有判花館才名並世

張公子

公與南皮相國均隨任吾黟當時稱兩公子

詩派前朝杜牧之芸冷

遺編無女續蘭香空谷有孫貽不才舊是東牀客曾見
先生坐嘯時

羊老早尖遂宿清平

飯顆辭羊老鞭絲指洛邦犁荒民力惰役久客心降舊
兩人三兩清風裏一雙重眠秋實館驛館題額秋實醉倒酒花

缸

寒食雜感

片片花飛紫陌中青楊柳舞東風尋常客裏逢寒食
馬上相逢便不同

煙林霧箒莽蕭森一帶清流瀉素心行過重安峯萬疊

置身恍若在山陰

十里塘房五里碓吟鞭飛渡短長橋斜陽紅照春人影
樓外青旗一角飄

芊緜草色綠綠坡跳月蠻姬寶馬馱賢尹縱多廉叔度
祇今五袴不曾歌

遙指新州路幾重午煙初散暮雲封行人換過千聲杵
來打僧房飯後鐘

客中冷節難爲情上塚歸來又遠行料得明朝天氣好
無風無雨過清明

峭壁危撐似建瓴前輿甫降後輿升險途歷盡皆平等

捷徑終南我未能

空城斗大泰安屯
犴鳥蠻花又一村
茅店賣漿兼賣脯
數錢媿女正當門

漫山布穀喚催耕
日午農家夢未醒
鶯粟花開三月麗
此間只合號蓉城

雞犬人家信隔凡
飄飄軒舉客衣衫
女牆尙挂三丰影
一任春花野鹿銜

鎮雄關

山城鼓角耳中聞
宿雨初晴澹埽氛
樹色三叉孤客路
紙旛數挂有兒墳
荒寒豚犢如人瘦
零落村墟歎劫焚

貧到鄉關無術療八年秉鉞愧書勳

澠陽郊外節孝坊石已半圯作此張之

道左貞珉半已隕冰心千載未曾灰冥冥尙有神呵護
浩浩獨留氣往來節勵青松忠孝並歌傳黃鶴古今哀
澠陽敦厚成風俗特發幽光照夜臺

清明憶內並索和詩疊前韻

陟彼高岡我馬隕著鞭心未祖生灰紙鳶時節晴兼雨
梁燕生涯去復來樓過岳陽慚後樂碑尋峴首有餘哀
摩崖題徧征鴻影新詠遲君續玉臺

行抵澠陽有懷紋女

踏徧黔山萬里雲家書馳告右台墳溪流夜漲通舟易
野店春寒借酒醺黃竹已乖他日願青燈未改少年勤
只愁客邸朱顏換夢裏相逢誤左芬

寄亭秋

琴囊劍佩總相親猶是浮雲變幻身雨後喜看萍水合
朝來乍見麥苗新平泉綠野偏遲我客路青山恐笑人
此去鶴樓聞玉笛梅花先寄一枝春

菜花

也饒風致也含芳一片黃鋪大道旁點綴流民圖上色
添來貧女鬢邊香桃花淨後難爲客蒔菜肥時又去鄉

逆旅無春勞汝伴
齧根滋味十年嘗

游青龍洞再疊前韻

臘尊一夕醉顏隕
洞裏曾尋劫後灰
白水如斯心共鑒
青山無恙我重來
日斜漢口仍爲客
春到江南莫賦哀
太息浮生無處著
此間容我起樓臺

游中元洞三疊前韻

摩厓深媿筆花隕
輸與青青幸草灰
目正窮時樓更上
天將盡處石飛來
巖仙到此應三醉
杜老登臨寄八哀
俯視灑陽春漲綠
釣竿惜少子陵臺

過報母溪

緬橋東下浪花低一葉經過報母溪
棖觸春暉游子意
廿年月夜冷烏啼

入湖南界作

屏簫吹淨雨餘煙三楚旌旗客路前去里人如烏繞樹
下灘舟似箭離弦遙山目聚文淵米間道心馳鄧艾旣
又見漢南楊柳綠不堪司馬感華年

楚篷雜詠和漱芸

客行猶怯暮春寒畫舫疏燈夜浩漫晨起披裘倚篷坐
錯疑楚澤是嚴灘

絕壁何能計丈尋巖花紅秀碧苔深
閒雲出岫初無意

江水悠悠知我心

羹調蕪豉飯炊菰山可供柴水轉轆兒輩飽看無箇事
閒棋一局賭贏輸

柔艣經過報母溪盈盈一水漲平隄依然寸草三春綠
夢冷護堂不可躋

小啜龍團燕鳴鑪玻璃榻子水雲區銅槽鐵鑄都飛渡

片刻停舟莫歎吁

白茅洞
擱淺

芷沅東去是公坪舊夢重尋記憶清行到洪江程得半
郵籤水遞報聲聲

江南春水上鱗魚寄廬山妻合笑予聞得黔江乾鯨貴

平安何處寄家書

臨流一角有人煙
前舸沾春後舸前
手板腳鞢太多事
客來擾我片時眠

琅琅一卷夜窗虛
夾袋如君信可儲
當日龍溪失佳士
至今愁上薦賢書

細雨疏煙滄一溪
巖間可有舊時題
綠楊尙解東風意
何怪征人不向西

大雨泊芷江

煙波一舫乍征輶
款客臨江結綺寮
烏帽半欹關尹瘦
綠蓑高卧榜人驕
晨窗卷幔看雲起
晚爨抽薪帶雨燒

最是小樓紅溼處酒家兒女夜燈挑

芷江早行

冷節忽忽過禁煙春歸多在旅途前扁舟浪捲初回柁
夾帳弓鳴正控弦楚澤騷人宜佩芷明山石刻待搵麤
雪花如掌天涯路僕馬瘖痛感去年

發黔陽

溼翠空濛染帶襟四山雲氣滃層陰何人負弩桅前立
有客停橈厠上吟中歲易澆元亮酒故園猶繫少陵心
烏篷一枕瀟瀟雨苦被蒼生望作霖

江口夜泊詠朦朧月

半含雲水半籠煙一種清輝似遜前掩面有情羞對鏡
張弓無影不驚弦迷離虢國朝天馬掩映蘇卿卧雪氈
身到廣寒隔塵世模糊難認入宮年

下清浪灘放歌

橫石浪花屹不動灘聲鎮日狂呼洶白雨船頭亂跳珠
但覺扁舟一葉重前舟忽轉後舟迎浩浩江風怒不平
篙師一躍百怪伏推篷使我心神驚平生擊楫中流志
到此冀展南鵬翅五溪夜漲水石鳴七日霖雨荷天賜
客船如馬去飛飛洞庭甫下又雷威洞庭溪雷威塘均在清浪之下回
看清浪在天際伏波祠廟寒煙微野火明滅列兩岸岸

上人家正炊飯衝濤冒險客何爲天下涓涓况江漢猛
聞此語心嘆嗟惟將清酒款神鴉收拾大海觀瀾眼歸
去尋僧話九華

望日重游桃源洞以舊句重來定有桃花笑爲韻
得五絕七首

來打暮天鐘煙波又幾重白雲知我意不把寺門封

不見桃花面猶及牡丹開借問前度客劉郎來不來

漱芸

因雨
不往

泥印偶然留鴻飛迹靡定暮色滿林皋誰識幽人性
臨江結茅屋雞犬人家有一入武陵溪昇仙拔宅否

聞說高舉閣上結千年桃情哉李道士只解種蓬蒿
問津橋下立淺水盡蘆花偶然逢漁父洞裏問桑麻
本非在山雲何時恣幽討桃花不笑人但恐淵明笑

朗江舟次與鏡漁觀察夜話倒用前韻

碧窗情話短燈挑夜語沾春筍共燒江上煙波搖客夢
坐中樽俎折天驕名園依水雲連閣野寺尋碑月滿寮
聞道洞庭新漲綠君山茶竈伴征輶

武陵小泊游德山乾明寺綠夢亭亭外有北宋周
益公題詩碑卽用其韻

芒屨偶著爲看山綠繞孤亭路一灣碑斷苔封新雨後

塔高鈴語夕陽間百年喬木經呵護古樹極多數六祖

傳燈費仰攀客衲不知江上事苦詢黃鶴幾時還時將之武

仕昌

鏡漁觀察約同守令招飲廐園

廐園花信益春潭楚客閒停柳下驂樓外雲山半晴雨

座中竹箭美東南朱顏易改羞吳扇前以吳中畫像贈鏡漁今復合照一

像以留鴻爪紅友相邀啟越壘承贈舊燈火滿城歸去晚麗

謫官鼓已搥三

蘆林潭晚泊大風示漱芸晴初

渺渺煙波隔洞庭東風無賴客舟停已愁雲夢難為澤

遙想君山不斷青
杭酒舊痕襟上認
豐蘭新詠艣中聽
浪花如雪寒通枕
一夜蘆潭走怒霆

蘆潭阻風悼昌穎

十五年前夢今朝
駭浪中滿胸皆塊壘
何恤打頭風

越日風勢未定仍泊蘆林潭疊三字韻

魚龍薄暮吼空潭
行到蘆林小駐驂
江上青山渾似墨

新得奚鐵生山水畫軸

客中北雁又回南
宦情濃淡雲千疊
鄉味

鹹酸菜一壘

時以寒菜一甕自隨

夜半船頭燈火寂
買春不辨路

又三

卽事疊寔字韻

篷窗危坐讀黃庭身似浮雲暫此停潮打未應雙槩重
天寒尙擁一氈青韭花供饌燈前翦柳絮吟風枕上聽
激雲有柳絮詩明日颿輪衝浪去長空千里走春霆

登岳陽樓示陸申甫廉訪杜雲秋觀察

岳陽逢舊雨把袂一登樓
厯厯君山樹飄飄楚客舟
湖光千日酒身世幾沙鷗
除卻希文記誰先天下憂

游洞庭君山卽席柬程從周軍門

飽挂洞庭風來瞻帝子宮
茶仍新市綠酒勸醉顏紅
瑤瑟年年怨蒲帆處處通
亭歆吟不朗山頂朗吟亭已圯無計療

僧譚

二十七日岳陽樓晚泊遣興

卷幔君山列戶庭當筵不放酒杯停
芷蘭香裏舟初歇
雲水光中眼易青
沙鳥風帆浮檻出
梅花玉笛隔江聽
燈前故劍摩挲認如電
年華感迅霆
元配淑卿夫人是
日生辰長逝二十
九年
矣

寶塔洲晚泊用漱芸韻

嘉魚東指片帆開
寶塔洲邊水一隈
不語流鶯惱春去
爲尋黃鶴過江來
紅蘭昨夜在人夢
夜夢采拾斑竹當
朱蘭一枝
年帝子哀雨後
長虹窗外落玉缸
倒影誤弓杯

松壽堂詩鈔卷六